



## Y gwrandawriad – cyfarwyddyd i hawlwyr ac atebwyr

### Rhagymadrodd

Mae'r llyfryn hwn yn egluro'r gwahanol fathau o wrandawiadau Tribiwnlys Cyflogaeth, sut i baratoi ar eu cyfer, beth sy'n digwydd ynddynt a beth fydd yn digwydd wedyn.

Cysylltwch â swyddfa'r tribiwnlys neu Llinell Ymholiadau Cyhoeddus y Tribiwnlys

Cyflogaeth: Cymru a Lloegr: **0300 123 1024**; Yr Alban: **0141 354 8574**

Minicom: **+44 (0)1509 221564** os hoffech gael copi o'r llyfryn hwn mewn Braille, mewn print bras neu ar ddisg.

#### Canllawiau'r Llywyddion

Dan Reolau'r Tribiwnlys Cyflogaeth gall Llywyddion y Tribiwnlysoedd Cyflogaeth yng Nghymru a Lloegr a'r Alban gyhoeddi Canllawiau. Nod y canllawiau hyn yw gwella'r cysondeb o ran y ffordd y mae Tribiwnlysoedd Cyflogaeth yn rheoli achosion a galluogi'r partïon i ddeall yn well yr hyn a ddisgwylir ganddynt a'r hyn i'w ddisgwyl gan y tribiwnlys. Nid ydynt yn orfodol ond dylid eu dilyn lle bo hynny'n bosib.

Gellir dod o hyd i ganllawiau'r ddau Lywydd yn:  
<https://www.gov.uk/employment-tribunals/legislation>

### Y gwrandawriad

Bydd dyddiad, amser a lleoliad y gwrandawriad, ac amcan o'r hyd a gymerir ar y llythyr a anfonasom atoch. Cysylltwch â swyddfa'r tribiwnlys os nad ydych yn siŵr ble a phryd caiff y gwrandawriad ei gynnal. Gwnewch yn siŵr eich bod yn cyrraedd canolfan y gwrandawriad o leiaf 30 munud cyn mae'r gwrandawriad i fod i ddechrau, gan ganiatáu ar gyfer unrhyw oedi posibl wrth deithio.

Bydd gofyn i'r hawlydd dalu ffi'r gwrandawriad cyn gall y gwrandawriad fynd rhagddo. Byddwn yn dweud wrth yr hawlydd faint y bydd ef neu hi angen ei dalu, sut i'w dalu, a phryd y dylid ei dalu. Os na all yr hawlydd fforddio talu ffi, gall ef neu hi wneud cais am ddileu ffi (neu gael eich hepgor rhag talu ffi). Os na thelir y ffi erbyn y dyddiad a bennwyd gan y tribiwnlys neu os caniateir dileu ffi, bydd yr hawliad yn cael ei ddileu heb gyfle i fynychu gwrandawriad.

Gweler ein taflenni ffioedd T435, T436 ac EX160A am wybodaeth ynglŷn â faint efallai bydd angen i chi dalu, ewch i <http://hmctsformfinder.justice.gov.uk>

Mae copïau o'r ffurflenni sydd ar gael mewn fformat copi caled ar gael drwy ffonio Llinell Ymholiadau Cyhoeddus Tribiwnlys Cyflogaeth: Cymru a Lloegr **0300 123 1024**; Yr Alban: **0141 354 8574** Minicom: **+44 (0)1509 221564** os hoffech gael copi o'r llyfryn hwn mewn Braille, mewn print bras neu ar ddisg neu o unrhyw swyddfa lleol.

## **A fydd fy achos yn cael ei glywed ar y dyddiad a roddwyd?**

Byddwn yn ceisio ymdrin â'ch achos cyn gynted ag y bo modd ond gall oedi ddigwydd, er enghraifft, gan fod yr achos sydd cyn eich un chi'n cymryd mwy o amser na'r disgwyl. Rydym yn ceisio ymdrin â chynifer o achosion ag sy'n bosibl yn ystod pob diwrnod. Gall hyn olygu bod rhai achosion 'heb eu neilltuo' ac y byddant yn dechrau cyn gynted ag y bydd tribiwnlys ar gael. Os bydd yn dod yn amlwg na all tribiwnlys wrando eich achos y diwrnod hwnnw, byddwn yn dweud wrthynt cyn gynted ag y bo modd.

## **A allaf ofyn am gael gohirio'r gwrandawriad?**

Rhaid i chi wneud cais am ohiriad yn ysgrifenedig cyn gynted ag y bo modd gan roi rhesymau llawn dros eich cais. Dylech hefyd anfon copi o'ch cais at yr hawlydd er mwyn iddo fod yn ymwybodol ohono a dweud wrthynt gysylltu a ni cyn gynted â phosib os ydynt yn gwrthwynebu.

Bydd Barnwr Cyflogaeth yn penderfynu a yw er budd cyfiawnder caniatáu gohiriad ac efallai y bydd arno eisiau clywed safbwyntiau'r ochr arall cyn gwneud penderfyniad. Ni ddylech dybio bod eich cais wedi ei ganiatáu. Byddwn yn rhoi gwybod i chi os yw wedi ei ganiatáu.

Os byddwch chi neu'r ochr arall (neu rywun arall sy'n gweithredu ar eich rhan chi neu'r ochr arall) yn methu ag ymddangos mewn gwrandawriad, caiff y tribiwnlys benderfynu'r achos yn eich absenoldeb chi neu hwy.

## **Beth ddylwn i ei wneud os bydd fy achos yn cael ei ddatrys neu os wyf am dynnu fy hawliad yn ôl?**

Dylech roi gwybod i ni ar unwaith os bydd eich achos yn cael ei ddatrys cyn y gwrandawriad. Bydd y swyddog cymodi'n rhoi gwybod i ni os bydd eich achos yn cael ei setlo drwy Acas. Os chi yw'r hawlydd rhaid i chi roi gwybod i ni yn ysgrifenedig os byddwch yn penderfynu tynnu eich hawliad cyfan neu ran ohono yn ôl. Rhaid i chi hefyd ddweud wrth yr atebydd eich bod yn tynnu eich hawliad yn ôl. Rhaid i chi wneud hyn cyn gynted ag y bo modd. Os byddwch yn tynnu'ch hawliad yn ôl, bydd yn cael ei wrthod yn awtomatig ac eithrio mewn amgylchiadau prin iawn lle byddwch yn gofyn iddo beidio â chael ei wrthod neu os bydd y Tribiwnlys yn teimlo na fyddai gwrthod er budd cyfiawnder. Os dilëir yr hawliad, ni fyddwch yn gallu gwneud hawliad arall yn erbyn yr atebydd sy'n ymwneud â'r un cwyn.

Ni fyddwn yn ad-dalu unrhyw ffioedd a dalwyd gennych os byddwch yn setlo'r hawliad. Os ydych am setlo gyda'r atebydd, rhaid i chi benderfynu ar y telerau rhyngoch chi, ac ni fydd y tribiwnlys yn rhan o'r broses. Dylech sicrhau eich bod yn trafod unrhyw ffioedd a dalwyd fel rhan o'ch cytundeb.

Os bydd eich hawliad yn setlo drwy ACAS, bydd yr hawliad yn cael ei dynnu oddi ar y rhestr ar gyfer gwrandawriad (os rhestrwyd yr achos ar gyfer gwrandawriad), a bydd ffeil yr achos yn cael ei ddinistrio yn unol â'n polisi dinistrio 12 mis o ddyddiad y setliad.

## **Beth yw'r gwahanol fathau o wrandawiadau?**

**Gwrandawiadau rhagarweiniol** – gellir cynnal y rhain i reoli'r achos gan gynnwys:

- egluro'r materion yn yr achos;
- penderfynu pa orchmynion ddylai gael eu gwneud ynglŷn â materion fel dogfennau a thystion;
- penderfynu ynglŷn â dyddiad, amser a hyd y gwrandawriad llawn.

neu eu cynnal i

- benderfynu a ddylai'r hawliad yn llawn neu'n rhannol neu'r ymateb gael ei ddileu;
- penderfynu ynglŷn â chwestiynau hawl i ddwyn hawliad neu i'w amddiffyn;
- penderfynu, os bydd achos y naill ochr neu'r llall yn ymddangos yn wan, a oes angen talu blaendal, ac os oes, faint, cyn y gall yr ochr honno fynd yn ei blaen.

Bydd y llythyr sy'n rhoi dyddiad y gwrandawriad yn nodi'r materion y bydd angen penderfynu arnynt yn y gwrandawriad rhagarweiniol, a fydd y gwrandawriad cyfan neu ran ohono'n cael ei gynnal yn breifat, ac a fydd y gwrandawriad yn cael ei gynnal dros y ffôn, drwy gyswllt fideo neu gyda'r partïon yn bresennol.

Os yw'r gwrandawriad rhagarweiniol yn cael ei gynnal i benderfynu a ddylai'r ymateb neu'r hawliad cyfan, neu ran ohono, gael ei ddileu, neu i benderfynu ar gwestiynau'n ymwneud â hawl i ddod a hawliad neu i amddiffyn hawliad, neu a oes angen i barti dalu blaendal, efallai y bydd yn rhaid rhoi tystiolaeth mewn gwrandawriad o'r fath. Bydd angen i chi benderfynu pa dystion (os o gwbl) a thystiolaeth i ddod gyda chi, gan gofio'r materion penodol y bydd y tribiwnlys yn eu hystyried bryd hyn.

**Y gwrandawriad terfynol** – Dyma'r gwrandawriad sy'n:

- penderfynu a fydd yr hawliad yn llwyddiannus neu'n aflwyddiannus ac, os bydd yn llwyddiannus,
- pa ateb sy'n briodol er mwyn gwneud iawn.

Yn dibynnu ar natur yr hawliad, efallai y bydd y gwrandawriad yn cael ei gynnal gan dribiwnlys llawn sy'n cynnwys Barnwr Cyflogaeth a dau aelod lleig neu gan Farnwr Cyflogaeth yn eistedd ar ei ben ei hun. Gweler yr adran 'Beth fydd yn digwydd yn y gwrandawriad?' yn nes ymlaen yn y llyfryn hwn am fanylion llawn am y weithdrefn yn y gwrandawriad.

## **Cynrychiolaeth yn y gwrandawriad**

Hyd yn oed os ydych wedi cynrychioli eich hun neu eich sefydliad eich hun tan ddyddiad y gwrandawriad, mae'n bosibl y gellir trefnu cynrychiolaeth yn y gwrandawriad ei hun.

Gallwch gysylltu ag un o'r ffynonellau isod i gael cymorth, ond rhaid i chi wneud hyn mewn da bryd.

- Os ydych yn aelod, gallwch gysylltu â'ch undeb neu sefydliad cyflogwyr.
- Gallwch gysylltu â gwasanaethau cyngor di-dâl fel canolfannau cyngor ar bopeth neu ganolfan y gyfraith.
- Gallwch gysylltu â chyfreithwyr neu gynghorwyr proffesiynol eraill. Efallai y gallwch gael Cymorth Cyfreithiol yn yr Alban.

## **Paratoi ar gyfer gwrandawriad**

Gall fod yn ddefnyddiol gwylio gwrandawriad mewn tribiwnlys er mwyn i chi ddeall y weithdrefn a beth sy'n digwydd. Gallwch wneud hyn drwy gysylltu ag unrhyw swyddfa tribiwnlys a gofyn a oes gwrandawriad addas i chi ei arsylwi.

## **Pa ddogfennau fydd angen i mi eu cael ar gyfer y gwrandawriad?**

Mae'n bosibl y byddwch wedi cael gorchymyn gan y tribiwnlys i ddatgelu eich dogfennau i'r ochr arall. Ond hyd yn oed os nad ydych, rhaid i chi wneud yn siŵr bod yr ochr arall yn cael hysbysiad rhesymol (o leiaf saith niwrnod) ynglŷn ag unrhyw ddogfennau y bwriadwch eu defnyddio yn y gwrandawriad i gefnogi eich achos.

Os ydych yn dibynnu ar unrhyw ddogfennau, yn ychwanegol at eich copi eich hun ohonynt, dylech ddod a thri chopi i'r gwrandawriad os yw'n cael ei gynnal gerbron Barnwr Cyflogaeth ar ei ben ei hun, a phump os yw gerbron tribiwnlys llawn.

## **A allaf ddod â thystion i'r gwrandawriad?**

Gallwch ddod â thystion i'r gwrandawriad i roi tystiolaeth berthnasol. Hyd yn oed os nad oes neb wedi dweud wrthyfch am wneud hynny, mae'n werth gadael i'r tribiwnlys wybod ymlaen llaw faint o dystion y bwriadwch ddod gyda chi. Mae'n bosibl bod y tribiwnlys wedi eich gorchymyn i lunio datganiad ysgrifenedig o'ch tystiolaeth eich hun ac o dystiolaeth eich tystion. Hyd yn oed os nad yw, mae'n bosibl y byddech yn hoffi gwneud hynny. Fodd bynnag, yn yr Alban, ni ddylech wneud hynny oni bai bod y tribiwnlys wedi gorchymyn i chi wneud.

Mae'n bwysig iawn fod eich tystion yn mynychu'r gwrandawriad i roi tystiolaeth gan mai ychydig iawn o bwys y bydd y Tribiwnlys yn ei roi ar ddatganiad tyst os nad yw'n bresennol. **Eich cyfrifoldeb chi yw gwneud yn siŵr bod eich tystion yn dod i'r gwrandawriad.**

## **A all y tribiwnlys orchymyn tyst i ddod i'r gwrandawriad?**

Gallwch ofyn i'r tribiwnlys gyhoeddi gorchymyn tyst a fydd yn gwysio rhywun rydych yn dymuno ei gael yn y gwrandawriad, hyd yn oed os nad yw ef neu hi yn dymuno bod yno, gyhyd â bod y dystiolaeth y bydd yn ei rhoi yn berthnasol i'ch achos. Rhaid i chi wneud cais ysgrifenedig mewn da bryd cyn y gwrandawriad.

Os byddwch yn gwneud hynny bydd angen i chi ddweud wrth y tribiwnlys:

- beth yw enw a chyfeiriad y tyst;
- beth fydd y tyst yn ei ddweud a sut y bydd yn helpu eich achos;
- pam nad yw'r tyst yn barod i ddod i'r gwrandawriad o'i wirfodd.

# Beth mae angen i mi ei wneud ynglŷn ag iawndal a gwneud iawn?

## Os chi yw'r hawlydd,

Bydd angen i chi ddarparu tystiolaeth i ddangos bod genych hawl i'r swm rydych yn ei hawlio. Mewn achos diswyddo annheg neu hawliad neu gwahaniaethu sy'n cynnwys colli gwaith, rhaid i chi allu dangos pa gamau rydych wedi'u cymryd i ddod o hyd i swydd newydd. Os na fyddwch yn darparu'r wybodaeth hon, gallech nid yn unig adennill llai nag y byddai gennych hawl iddo fel arall, ond, os oes angen gwrandawriad pellach o ganlyniad i'ch methiant, gallai gorchymyn am gostau gael ei wneud yn eich erbyn.

## Os chi yw'r atebydd,

Dylech gyflwyno unrhyw dystiolaeth a chyflwyniadau sy'n ymwneud â'r hyn y mae'r hawlydd yn ei geisio os bydd ei hawliad yn llwyddiannus.

Os bydd yr hawlydd yn llwyddo mewn cwyn yn ymwneud â diswyddo annheg (neu fethu â chaniatáu i ferch ddychwelyd i'w gwaith yn dilyn beichiogrwydd) gall y tribiwnlys ystyried gorchymyn ailbenodi neu ailgyflogi. O ganlyniad, dylech fod yn barod i roi tystiolaeth yn y gwrandawriad ynglŷn â'r canlynol:

- argaeledd y swydd yr oedd yr hawlydd yn ei dal neu swyddi tebyg;
- a fydddech yn cymryd yr hawlydd yn ôl, yn yr hen swydd neu mewn un debyg;
- eich rhesymau os ydych yn dweud na fyddai'n ymarferol neu'n bosibl ailbenodi'r hawlydd.

Os yw'r hawlydd wedi nodi ymlaen llaw mae ei nod yw cael ei ailgyflogi neu ei ailbenodi a chithau heb yr wybodaeth yn y gwrandawriad, a'r achos yn gorfod cael ei gohirio oherwydd hynny, mae'n debyg y bydd yn rhaid ichi dalu'r costau sy'n gysylltiedig â gohirio'r achos.

Dylech hefyd fod yn barod i roi tystiolaeth yn y gwrandawriad ynglŷn â beth y bydddech yn ei ystyried yn iawndal priodol a sut rydych yn gwneud yr asesiad hwnnw.

Os oedd yr hawlydd yn aelod o gynllun pensiwn, rhaid i chi ddod â'r wybodaeth a ganlyn i'r tribiwnlys.

- A oedd y cynllun yn gynllun cyfraniadau wedi'u diffinio neu'n gynllun cyflog terfynol.
- Os yw'n gynllun cyflog terfynol, beth yw gwerth y pensiwn gohiriedig.
- Yr oed ymddeol dan y cynllun.
- Swm cyfraniad y cyflogwr i'r cynllun.

Os na fyddwch yn rhoi'r wybodaeth ofynnol i'r tribiwnlys, efallai y bydd angen gwrandawriad arall a gallai olygu bod gorchymyn am gostau'n cael ei wneud yn eich erbyn.

## Beth fydd yn digwydd yn y gwrandawriad?

Pan fyddwch yn cyrraedd y tribiwnlys dylech fynd i'r dderbynfa. Cyn y gwrandawriad bydd clerc tribiwnlys yn trafod nifer y tystion sydd gennych ac yn casglu unrhyw ddogfennau y gallech fod wedi dod â hwy gyda chi i'r tribiwnlys. Dylech ddweud wrth y clerc os oes gennych chi neu unrhyw un o'ch tystion unrhyw anghenion arbennig neu bryderon. Bydd y Barnwr Cyflogaeth yn gwneud yn siŵr eich bod yn cymryd y camau a ddisgrifir isod mewn ffordd gymedrol a chall. Fodd bynnag, efallai y bydd yn rhaid iddo fod yn gadarn o ran symud yr achos ymlaen i sicrhau ei fod yn mynd rhagddo mewn modd a fydd yn golygu y gellir delio ag ef yn y cyfnod a glustnodwyd. O dan reolau'r tribiwnlys, mae gan y tribiwnlys y pŵer i amserlennu'r achos er mwyn iddo gael sylw o fewn terfyn amser penodol. Os bydd y cam hwn yn cael ei ystyried, bydd yn cael ei drafod gyda chi. Fel arfer, mewn achos o ddiswyddo annheg, bydd yr atebdydd yn rhoi tystiolaeth yn gyntaf ac yn galw unrhyw dystion, ac mewn achos gwahaniaethu yr hawlydd fydd yr un cyntaf i roi tystiolaeth fel arfer, yn cael ei ddilyn gan unrhyw dystion. Fodd bynnag, does dim rheol bendant ynghylch pa ochr sy'n dechrau a thrafodir hyn gyda chi cyn i'r gwrandawriad ddechrau.

Bydd yn rhaid i chi a'ch tystion roi tystiolaeth ar lw neu drwy gadarnhau. Os byddwch yn dweud celwydd ar ôl tyngu llw neu gadarnhau, gellid eich cael yn euog o anudoniaeth (perjury). Yng Nghymru a Lloegr, os yw'r partïon wedi cael gorchymyn i gyfnewid datganiadau tystion, bydd y rhain yn sefyll fel tystiolaeth y tyst ac, yn y rhan fwyaf o achosion, ni fyddant yn cael eu darllen yn uchel yn y Tribiwnlys. Yn yr Alban, nid yw datganiadau tystion yn cael eu defnyddio fel arfer ond, mewn rhai achosion, byddan yn cael eu defnyddio os bydd barnwr yn gorchymyn hynny. Yna gofynnir cwestiynau i chi neu eich tystion gan yr ochr arall ('croesholi' yw'r enw ar hyn). Gallwch chi neu eich tystion roi rhagor o dystiolaeth wedyn i egluro materion a gododd pan oedd yr ochr arall yn gofyn cwestiynau ('ailholiad'). Yn olaf, gall y Barnwr Cyflogaeth ac aelodau hefyd ofyn cwestiynau y gall y ddau barti eu hateb.

## Gwrandawriad tribiwnlys nodweddiadol



Dilynir yr un drefn â phob tyst a pharti. Pan fydd yr holl dystiolaeth wedi ei chlywed, gall y ddwy ochr grynhoi cyn i'r tribiwnlys fynd o'r neilltu i ystyried ei ddyfarniad. Oni bai fod y tribiwnlys yn gohirio rhoi dyfarniad, bydd y Barnwr Cyflogaeth yn cyhoeddi'r dyfarniad a'r rhesymau drosto ar ddiwedd y gwrandawriad. Os bydd y dyfarniad yn cael ei ohirio byddwch yn ei dderbyn, a'r rhesymau drosto, yn ysgrifenedig ar ddyddiad diweddarach.

Gallai hyn ddigwydd mewn achosion cymhleth neu os nad oes digon o amser ar ddiwrnod y gwrandawriad i ffurfio dyfarniad a'i gyhoeddi.

Bydd y tribiwnlys fel rheol yn disgwyl ymdrin â materion iawndal yn y gwrandawriad. Bydd yr amser a neilltuwyd ar gyfer y gwrandawriad fel rheol yn cynnwys amser ar gyfer hyn.

## **Beth fydd yn digwydd nesaf?**

Pryd bynnag y bydd hynny'n bosibl, byddwch chi neu eich cynrychiolydd yn cael copi o ddyfarniad y tribiwnlys ar ddiwrnod y gwrandawriad. Os nad yw hyn yn bosibl, anfonir copi o'r dyfarniad ysgrifenedig atoch chi neu eich cynrychiolydd cyn gynted ag y bo modd ar ôl y gwrandawriad. Rhaid i chi gadw at ddyfarniad y Tribiwnlys Cyflogaeth gan ei fod yn eich rhwymo'n gyfreithiol.

Bydd rhesymau ysgrifenedig dros y dyfarniad hefyd yn cael eu rhoi os byddwch yn gofyn amdanynt yn y gwrandawriad neu'n cyflwyno cais ysgrifenedig cyn pen 14 diwrnod o ddyddiad anfon y dyfarniad atoch chi.

## **A allaf hawlio treuliau?**

Nid yw Gwasanaeth Llysoedd a Thribiwnlysoedd EM, lle gwnaethpwyd yr hawliad ar neu ar ôl 6 Ebrill 2012, yn talu treuliau na lwfansau partiön, tystion a chynrychiolwyr gwirfoddol sy'n mynychu unrhyw fath o wrandawriad tribiwnlys cyflogaeth (heblaw lle mae'r unigolyn sy'n mynychu wedi cael ei alw gan y tribiwnlys i roi tystiolaeth feddygol).

Os gwnaethpwyd yr hawliad ar 5 Ebrill 2012, neu cyn hynny, mae taflen sy'n sôn am y treuliau a'r lwfansau sy'n daladwy i bartiön a thystion sy'n mynychu Tribiwnlys Cyflogaeth ar gael yn <http://hmctsformfinder.justice.gov.uk>.

## **Anabledd neu anghenion arbennig**

Os oes gennych chi, neu unrhyw un sy'n dod i dribiwnlys gyda chi, anabledd neu angen penodol, dylech gysylltu â'r swyddfa tribiwnlys sy'n ymdrin â'ch achos i drafod y mater. Mae enghreifftiau o'r help y gallwn ei ddarparu yn cynnwys trosglwyddo dogfennau i Braille neu brint mwy, darparu gwybodaeth ar ddisg a thalu am ddehonglwyr iaith arwyddion. Gallwn hefyd ddarparu dolenni sain ar gyfer teclynnau clywed yn yr ystafell lle cynhelir y gwrandawriad os byddwch eu hangen. Cysylltwch â ni cyn gynted ag sy'n bosibl er mwyn i ni allu gwneud trefniadau priodol neu addas.



## Swyddfeydd tribiwlysoedd cyflogaeth

<b>Aberdeen</b>	Mezzanine Floor, Atholl House, 84-88 Guild Street, Aberdeen AB11 6LT	<b>t.</b> 01224 593137 <b>e.</b> aberdeenet@hmcts.gsi.gov.uk
<b>Bryste</b>	The Crescent Centre, First Floor, Temple Back, Bryste BS1 6EZ	<b>t.</b> 0117 929 8261 <b>e.</b> bristolet@hmcts.gsi.gov.uk
<b>Caerdydd</b>	Ail Lawr, Tŷ Caradog, 1-6 St Andrews Place, Caerdydd CF10 3BE	<b>t.</b> 029 2067 8100 <b>e.</b> cardiffet@hmcts.gsi.gov.uk
<b>Dundee</b>	Ground Floor, Block C, Caledonian House, Greenmarket, Dundee DD1 4QB	<b>t.</b> 01382 221578 <b>e.</b> dundeeet@hmcts.gsi.gov.uk
<b>Dwyrain Llundain</b>	2nd Floor, Anchorage House, 2 Clove Crescent, Llundain E14 2BE	<b>t.</b> 020 7538 6161 <b>e.</b> eastlondon@hmcts.gsi.gov.uk
<b>Caeredin</b>	54-56 Melville Street, Caeredin EH3 7HF	<b>t.</b> 0131 226 5584 <b>e.</b> edinburghet@hmcts.gsi.gov.uk
<b>Glasgow</b>	Eagle Building, 215 Bothwell Street, Glasgow G2 7TS	<b>t.</b> 0141 204 0730 <b>e.</b> glasgowet@hmcts.gsi.gov.uk
<b>Huntingdon</b>	Huntingdon Law Courts, Walden Road, Huntingdon PE29 3DW	<b>t.</b> 01480 415600 <b>e.</b> huntingdonet@hmcts.gsi.gov.uk
<b>Leeds</b>	4th Floor, City Exchange, 11 Albion Street, Leeds LS1 5ES	<b>t.</b> 0113 245 9741 <b>e.</b> leedset@hmcts.gsi.gov.uk
<b>Canol Llundain</b>	Victory House, 30-34 Kingsway, Llundain WC2B 6EX	<b>t.</b> 020 7273 8603 <b>e.</b> londoncentralet@hmcts.gsi.gov.uk
<b>De Llundain</b>	Montague Court, 101 London Road, West Croydon CR0 2RF	<b>t.</b> 020 8667 9131 <b>e.</b> londonsouthet@hmcts.gsi.gov.uk
<b>Manceinion</b>	Alexandra House, 14-22 The Parsonage, Manceinion M3 2JA	<b>t.</b> 0161 833 6100 <b>e.</b> manchesteret@hmcts.gsi.gov.uk
<b>Dwyrain Canolbarth Lloegr</b>	Nottingham Justice Centre Carrington Street, Nottingham NG2 1EE	<b>t.</b> 0115 947 5701 <b>e.</b> midlandseastet@hmcts.gis.gov.uk
<b>Gorllewin Canolbarth Lloegr</b>	Centre City Tower, 7 Hill Street, Birmingham B5 4UU	<b>t.</b> 0121 600 7780 <b>e.</b> midlandswestet@hmcts.gsi.gov.uk
<b>Newcastle</b>	Quayside House, 110 Quayside, Newcastle Upon Tyne NE1 3DX	<b>t.</b> 0191 260 6900 <b>e.</b> newcastleet@hmcts.gsi.gov.uk
<b>Watford</b>	3rd Floor, Radius House, 51 Clarendon Rd, Watford WD17 1HP	<b>t.</b> 01923 281 750 <b>e.</b> watfordet@hmcts.gsi.gov.uk

Mae ein swyddfeydd ar agor o 9.00am tan 5.00pm o ddydd Llun i ddydd Gwener.

Byddwn yn eich cyfeirio at fap yn dangos lleoliad y swyddfa lle mae'r gwrandawriad wedi cael ei drefnu ac yn rhoi manylion mannau parcio lleol a chyfleusterau ar gyfer lluniaeth a ffonio.

Llinell Ymholiadau Cyhoeddus: Cymru a Lloegr: **0300 123 1024**;

Yr Alban: **0141 354 8574** Minicom: **+44 (0)1509 221564**